

Ndjenditito yo kurughana EM Bokashi, ndi ashi Effective Microorganisms mu kuwapukurura nkondo do livhu (mboresa).



Kutjorawira tukuni twatudidi to tukukutu makura kutu vhukumina mulidiko. Pano palifano, makara kwagha rughanine kurutoko rongombe.



Makara kuna kugarughana, okuno kuna kuyenyeka mema gho litera 9 momo mulidiko.



Pakurenka ashi maraka gho mundiro kapi ana kumoneka kuntunda yo lidiko, makura mundiro kughudimita no mema. Mposhi makara gha shapya dogoro litwitwi.



Makara gho kutunda kuvikuni, vikarokatji vyo ngongo, ntani no vikwindi vyo lipungu, kwahepa kuvitwa mposhi vikare uturatura. Nangeshi kunashana mbundu yo makara yisheshupe, wakona kugha twa makara mpopo pa kughamana kugha dimita mulidiko.



Makara gho kurungu romahangu ntani gho kuvipapa vyo makunde kapi gha hepa kughatwa. Makara gho kutunda kurutoko rongombe ghagho ghureru-reru, kuvhura tupu kugha fenya namaghoko.



Ghukahe gho ntjako yo 50kg yovipapa vyo lipungu ndi vyo rukokotwa, vyo litera 33, kuvishukumwina pashisha sho litera 60 (Rungu ro mahangu, oru runakaro ashi runa wapere, kururughanita tupu. Kapishi dogoro vipapa vyo lipungu ndi vyo rukokotwa).



Nangeshi mporuliko ruhupwa rontanga do maghadi edi vaghupa kare maghadi (sunflower seed cake) ndi lishutu lyo lipungu, kuvhongamo litera 6, makura kuvivonga kumwe no vipapa vyo lipungu ndi vyo rukokotwa.



Kutundapo kuterapo litera 6 do makara gho kutwa makura kugha vhunga kumwe, pa kurughanitanga shiharaghuva.



Vivhonga-vhonga kuna kuvivhonga kumwe (makara, ruhupwa rontanga domaghadi, ntani vipapa vyo lipungu).



Tera mililitera 700 do molasses mu mema gho litera 9, makura kuvirunga kumwe dogoro kugcuhuruka.



Ghupanka 500 mililitera yo EM, makura kuyiteranka mu mema gho molasses, kuvirunganka shimpe.



Ghateraghere mema gha lihanene pashisha opo ghuna tura vipapa vyo lipungu no makara, makura ghu virunge kumwe na shiharaghuva mposhi vinengene.



Pakumana kuvirunga kuvitura musiplasitika sho kutura vihando makura kuvideka-deka mposhi yitundemo mpepo.



Makura siplasitika kushi manga kudodera no rughodi.



Makura viplasitika ovyo, vya kona ku vitulika mulivango lyo mundwire ghure gho vivike 6, dogoro kuya yiyuvha bokashi kuna kunuka rupekwa.



Pa kuyitura bokashi mu lifuva, kurughanita maghoko matatu gho kuyura mwakehe likwina, makura kuvivhonga kumwe no livhu no rutoko rongombe kumeho yoku kakunamo.

EM bokashi kuvatera mboresa yo mulivhu morwa kwakara no:

- Vimbumburu vatwenyanga ashi, Effective Microorganisms ovyo vya vaterango vimenwa viwane ndya davyo mulivhu.
- Vipapa vyo lipungu ndi vyo rukokotwa, molasses ntani no ruhupwa rontanga do maghadi gho sunflower (sunflower seed cake) mposhi vitape vikulya kuvimbumburu (Effective Microorganisms) vyo kuwapukurura livhu.
- Makara gho kuwapukurura livhu mposhi ghakwate mema no vikulya vyo vimenwa.